



Broj: 22-44-1765-24/17
Sarajevo, 20.04.2018. godine

Na osnovu člana 60. stav (3) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 91. stav (3) Pravilnika o unutrašnjoj organizaciji Kantonalne uprave civilne zaštite, broj: 22-44-386/17 od 28.02.2017. godine i broj: 22-44-792/17 od 21.04.2017. godine, i Rješenja Ureda za razmatranje žalbi – Filijala/Podružnica Mostar, broj: JN2-03-07-1-351-9/18 od 05.04.2018. godine, u postupku javne nabavke roba: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“, direktor Kantonalne uprave civilne zaštite Kantona Sarajevo, *d o n o s i*

ODLUKU O PONIŠTENJU ODLUKE O IZBORU NAJPOVOLJNIJEG PONUĐAČA

Član 1.

Poništava se Odluku o izboru najpovoljnijeg ponuđača broj: 22-44-1765-15/17 od 20.02.2018. godine u postupku javne nabavke: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ na osnovu Rješenja Ureda za razmatranje žalbi – Filijala/Podružnica Mostar, broj: JN2-03-07-1-351-9/18 od 05.04.2018. godine.

Član 2.

Nastavlja se postupak javne nabavke: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ u skladu sa stavovima navedenim u Rješenju iz člana 1. ove Odluke, kao i odredbama Zakona o javnim nabavkama („Službeni glasnik Bosne i Hercegovine“, broj 39/14), podzakonskim propisima i drugim aktima, te predmetnom tenderskom dokumentacijom.

Član 3.

Za realizaciju ove Odluke zadužuju se i ovlašćuju Komisija za nabavku roba: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ i Sektor za ekonomske poslove Kantonalne uprave civilne zaštite Kantona Sarajevo.

Član 4.

Ova Odluka će se objaviti na web stranici Kantonalne uprave civilne zaštite Kantona Sarajevo (www.kucz.ks.gov.ba) i dostavit će se svim ponuđačima koji su učestvovali u predmetnom postupku javne nabavke.

Član 5.

Ova Odluka stupa na snagu danom donošenja.

OBRAZLOŽENJE

Ugovorni organ je u postupku javne nabavke: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ dana, 20.02.2018. godine, donio Odluku o izboru najpovoljnijeg ponuđača broj: 22-44-1765-15/17 od 20.02.2018. godine.

Na navedenu Odluku, ponuđač Alalphachrom d.o.o. Sarajevo je dana, 09.03.2018. godine uložio žalbu.

Ugovorni organ je pripremio Izjašnjenje na žalbu ponuđača Alalphachrom d.o.o. Sarajevo, koje je dana, 13.03.2018. godine zajedno sa ostalom dokumentacijom prosljedio Uredu za razmatranje žalbi – Filijala/Podružnica Mostar.

Ugovorni organ je dana, 10.04.2018. godine primio Rješenje od Ureda za razmatranje žalbi – Filijala/Podružnica Mostar, broj: JN2-03-07-1-351-9/18 od 05.04.2018. godine, kojim je usvojena žalba ponuđača Alphachrom d.o.o. Sarajevo na Odluku o izboru najpovoljnijeg ponuđača broj: 22-44-1765-15/17 od 20.02.2018. godine kao djelomično osnovana.

Navedenim Rješenjem, poništena je Odluka o izboru najpovoljnijeg ponuđača broj: 22-44-1765-15/17 od 20.02.2018. godine i predmet je vraćen Ugovornom organu na ponovni postupak, odnosno, naloženo je Ugovornom organu, da nastavi postupak javne nabavke: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ u skladu sa stavovima navedenim u Rješenju, predmetnom tenderskom dokumentacijom, zakonskim i podzakonskim propisima.

Na osnovu naprijed navedenog, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ
- www.kucz.ks.gov.ba
- a/a



E-mail: kucz@kucz.ks.gov.ba; www.ks.gov.ba
tel: + 387 33 201 595; + 387 33 443 720; fax: +387 33 560 453
71000 Sarajevo, Hamida Dizdara 1